
ФАРҒОНАНИНГ ТЕЛЕВИЗОРЛАРИ “АРТЕЛ” ГА РАҚОБАТЧИ!

Бир йўла тўрт хил ўлчамдаги экранли юқори сифатли телевизорлар Қўқон эркин иқтисодий зонасидаги “Россо Электроникс Технолижис” МЧЖ да ишлаб чиқарила бошланди. Шу муносабат билан бўлган корхонанинг тантанали очилиш тадбирида Фарғона вилояти ҳокими Шухрат Ғаниев иштирок этди.

Лойиҳа қиймати 1,4 млн доллар бўлган телевизорлар ишлаб чиқариш корхонаси қисқа муддатларда қуриб битказилди. Ишчи ва муҳандис ходимлар ўқитилди. Бугун бу ерда ёшлар “Россо” бренди остида телевизор ишлаб чиқариб мамлакатимиз ички бозорини бойитмоқда.

- Биз электроника, маиший техник воситаларнинг бошқа турларини ҳам Фарғона вилоятида, жумладан Қўқон ЭИЗ да ишлаб чиқаришни ташкил этамиз. “Россо” бренди билан етказиб берилаётган телевизорлар - бу катта ишнинг бошланиши холос, - деди вилоят ҳокими.

Шухратжон Аббосов корхона муассиси. Унинг айтишича йилига 60-70 минг донагача телевизорлар ички ва хориж бозорларига етказиб берилади.

- Албатта, “Артел” билан маҳсулот турлари ва миқдори жиҳатдан беллаша олмасмиз. Лекин бозорда муносиб рақобатчи пайдо бўлди деяверинг, - деди Шухратжон Аббосов.

Фарғона вилояти ҳокимлиги Ахборот хизмати

2020-08-13 20:51:55